



UNIVERSITÄTS-
BIBLIOTHEK
PADERBORN

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. I. Proponitur status quæstionis

[urn:nbn:de:hbz:466:1-77132](#)

habet fundamentum in re: non tamen debet admitti prioritas instantis in quo, in ordine ad intellectum divinum, & fundata in ipso obiecto. Nam ut egregie dicit D. Thomas loco supra citato, in Deo non concipitur actus liber ut egredius, sed ut egrediens: sicut à causa agente in actu secundo, non concipitur effectus egredius, sed actu egrediens: unde sicut licet principium actuale operationis, sit prius illa, prioritate naturæ, & instantis à quo; operatio tamen non est nec concipi potest ut futura respectu illius, quia existit in eodem instanti cum illa; prioritas enim à quo, non est prioritas durationis, & existentiae, sed causalitatis tantum, & naturæ. Ita similiter, cùm actus liberi sint posteriores necessariis, secundum instantis tantum à quo, & B non in quo, non possunt esse, nec concipi ut futuri, saltem ab intellectu divino.

D^o 101 Dices: Si actus liberi sint in eodem instanti in quo sunt necessarii, sequitur quod Patér aeternus producendo Verbum, sua decreta, & in illis creaturas ut futuras cognoscat, & sic quod Verbum Divinum procedat ex cognitione futurorum: quod est contra communem Theologorum sententiam.

Respondent Salmantenses ubi supra, negando sequelam Majoris, quia cùm Verbum Divinum sit ens omnimodè necessarium, duo requirit ex parte cognitionis à qua procedit: primum quidem, quod talis cognitione in eodem si gno in quo prædictum Verbum intelligitur procedere. Secundum, quod illa sit de objecto omnino necessario, non verò contingenti, aut libero; ac prinde quod sit cognitione simpliciter necessaria: quod secundum deest divina cognitioni, ut terminatur ad actus liberos ipsius Dei, & ita prædicti actus, & eorum cognitione, se habent merè concomitantes ad productionem Verbi Divini, nec formaliter ad illam concurrunt. Ut in Tractatu de Trinitate dicemus.

D^o 102 Ad tertium, Negandum est suppositum Antecedentis, in quo supponit quod Deus, antecedens sua decreta libera, aliquà prioritate in quo, & non solum à quo. Si verò Antecedens intelligatur de signo rationis à quo, negandum est istam propositionem, Deus non decernet creare mundum, esse falso: quia cùm Verbum decernet, aut non decernet, significans de futuro, & actus divina voluntatis, quò Deus determinatur, sit ei præsens in omni signo in quo (cò quod mensuratur aeternitate, & intuitivè ab illo cognoscatur) oportet ut respectu intellectus divini semper sit falsa illa propositione de futuro, Deus decernet; ac proinde ejus contradictionia, nimur, de futuro non decernet, semper vera. Addo quod, falso est quod supponit Suarez in argumento: unam scilicet ex propositionibus contradictioniis de futuro contingentibus, esse determinatè veram, & alteram determinatè falso, in signo antecedenti divinum decretum, de quo fusè articulo sequenti.

D^o 103 Ad ultimum nego Minorem: Ad cuius primam probationem, dicendum est, Deum cognoscere per scientiam simplicis intelligentiae, suum decretum ut possibile; sumendo possibile impropriè, & largo modo: secus si in propria & stricta significatione usurpetur. Possibile enim potest sumi duobus modis: primò impropriè, & in ampla quadam significatione; prout scilicet significat illud quod absolutè non repugnat. Secundò propriè & strictè, & prout denotat illud

A quod continetur solum in potentia cause, omnino indifferens & inde terminata ad ejus productionem. Quamvis ergo divina decreta possint dici possibilia primo modo, quia non repugnant esse (in quo erant sensu, divina essentia, attributa, divina persona, & omnia que sunt in Deo, possibilia dici possunt.) in secunda tamen acceptio divina decreta non possunt esse, nec cognosci à Deo ut possibilia: ad hoc enim necessarium est, ut Deus cognosceret in aliquo signo, & instanti rationis in quo, & non solum à quo, suam voluntatem, ut omnino indeterminata, & indeterminatam ad futuritionem, vel non futuritionem rerum: quod repugnat jam ostendimus.

Ad secundam probationem Minoris principalis, respondeo primò negando Antecedens: Supposito enim quod Deus ab aeterno crearet Angelum diligentem, ejus dilectio non posset ab illo cognoscere futura, quia essentia Angeli esset eā tantum prior, prioritate à quo, quæ (ut ostendimus) non sufficit ad futuritionem, etiam virtualem.

Secundò, dato & non concesso Antecedente, negatur Consequentia & paritas. Ratio dilapidatissima est, quia in tali casu, substantia Angeli, ejusque dilectionis, per accidentem tantum mensuratur aeternitate, tanquam mensura non sibi propriæ, & essentiali: At vero divinum decretum, mensuratur aeternitate, tanquam mensura propriæ & sibi essentiali.

ARTICULUS IV.

An Deus certò praesciat futura contingentia, & libera in eorum voluntate objectivat?

S. I.

Proponitur status questionis.

Notandum primò: Duplicem à Philosophis distingui veritatem, unam formalem que residet in intellectu cognoscente; alteram obiectivam, quae est in ipso objecto cognito, & que consistit in connexione prædicati cum subjecto: quia si sit necessaria, & fundata in natura, & quidditat objecti, propositio quod illam enuntiat, dicitur necessaria, & aeterna veritas: si autem contingens, & proveniens ab extrinseco, vocatur de futuro contingentia.

Notandum secundò, sive potius supponendum, Propositiones de futuro contingentibus, esse determinatè veras, aut falsas ab aeterno, pro omni instanti reali: quia nullum potest assignari instantis reale, in quo Deus non se determinaverit, absolute, vel conditionate, circa futuritionem, vel non futuritionem omnium rerum possibilium, mediante decreto absoluto, vel conditio nato: unde dependenter à tali decreto, ab aeterno in Deo existente, res omnes contingenties, & liberae, sunt ab aeterno determinatè futura, vel non futura, & consequenter propositiones de illis enuntiatæ, determinatè vera vel falsa in omni instanti reali. Hoc tamen non obstante, Theologi distinguunt in Deo duo signa vel instantia rationis (abstrahendo ab eo quod sint instantia rationis in quo, vel solum à quo) in quorum priori Deus intelligitur in sua natura constitutus, cum suis attributis essentialibus, & ut cognoscens omnia possibilia per scientiam simplicis intelligentiae, nihil tam adhuc determinans circa futurum.

futuritionem, vel non futuritionem rerum. In A secundo vero concipiatur in Deo decretum, quô se liberè determinat ad illas producendas in aliqua differentia temporis, vel ad illas relinquendas in statum et possibilis. Quæritur ergo, an in illo primo signo rationis, in quo adhuc non concipiatur in voluntate divina decretum ab soluto, vel conditionatum, circa futuritionem, vel non futuritionem rerum contingentium, illa sint determinatae futurae, vel non future, absolute, vel conditionatae; & propositiones de illis enunciatae determinatae verae, vel falsae? Sive quod idem est, an futurito determinata rerum contingentium, earumque veritas objectiva, sit dependens, vel independens à divino decreto? Si enim ab illo non dependeat, erit eo prior, & illud antecedens; si autem dependeat, erit eo posterior, & subsequens ad illud.

¹⁰⁶ Notandum tertio, Quod sicut quando dicitur, quod alter oculus est necessarius ad videntum, hoc potest intelligi duobus modis: primò ut alterupponat determinatae, & pro aliquo in particulari, & individuo: secundò, ut supponat confusæ, & indeterminatae, pro aliquo, qui cumque ille sit, vel dexter vel sinistru, ut explicatio in Logica. Ita similiter, quando quæritur aliqua ex propositionibus contradictoriis de futuro contingentia, sit vera vel falsa, ante decretum, hoc potest intelligi, vel de aliqua indeterminatae, & confusa, quæcumque illa sit, vel de aliqua determinatae, in particulari, & individuo. Si questio in primo sensu intelligatur, extra dubium & controversiam est, aliquam ex propositionibus contradictoriis de futuro contingentia, indeterminatae & confusa, debere esse veram, vel falsam; id est ambas non posse esse simul veritas, & simul falsas. Unde solum est difficultas, & controversia inter Theologos; an aliqua determinatae, in particulari, & in individuo, v.g. hæc Antichristus erit. Petrus convertetur, habeat determinatam veritatem objectivam, ante decretum & prædefinitionem voluntatis divinæ, in qua Deus certò cognoscet futura contingentia & libera.

¹⁰⁷ Partem affirmativam tenent communiter Recentiores extra Scholam D. Thomæ. Sententiam tamen negativam expresse tradidit Aristoteles cap. 8. Perhierim D. Thomas ibidem lectio ne, 12. omnesque ferè antiqui Aristotelis Interpretates: Ammonius, Averroës, Boëtius, Julius Paccius, aliique Peripateticæ, in illum locum: quibus ex Recentioribus subscriptibunt Fonseca 4. Metaph. cap. 7. in explanatione textū, &c. Institutionum cap. 6. Henriques Tomo 2. lib. de ultimo fine hominis cap. 4. Bellarminus lib. 2. de gratia & libero arbitrio cap. 4. & 15. Toletus ad cap. 8. Perhierim aliisque plures. Eandem sententiam tuerit Scotus in 1. dist. 39. quæst. 1. §. Viso de contingentiarum, ubi hac scribit: *In illo primo instanti antecedenti decretum non sunt vera contingentia, quia nihil est tunc per quod habeant veritatem determinatam: posita autem determinatione voluntatis divina, non sunt vera, videlicet pro illo secundo instanti. Quo nihil clarius & expressius in favorem nostræ sententiae dici potest.*

Tom. I.

Hi h-

butis,

UNIVERSITÄTS-
BIBLIOTHEK
PADERBORNBIBLIOTHECA
PATERBORNBIBLIOTHECA
PATERBORNBIBLIOTHECA